

Resolución do 27 de xaneiro de 2004 pola que se fai público o contido do convenio de apoio financeiro ó comercio polo miúdo na Comunidade Autónoma de Galicia 2004-2006 subscrito entre o Instituto Galego de Promoción Económica (Igape), a Consellería de Innovación, Industria e Comercio da Xunta de Galicia, a Confederación de Empresarios de Galicia e as cámaras de comercio, industria e navegación da Coruña, Ferrol, Lugo, Ourense, Pontevedra, Santiago de Compostela, Tui, Vigo e Vilagarcía de Arousa e as entidades financeiras e sociedades de garantía recíproca adheridas.

Con data do 26 de xaneiro de 2004 o Instituto Galego de Promoción Económica (Igape), a Consellería de Innovación, Industria e Comercio da Xunta de Galicia, a Confederación de Empresarios de Galicia e as cámaras de comercio, industria e navegación da Coruña, Ferrol, Lugo, Ourense, Pontevedra, Santiago de Compostela, Tui, Vigo e Vilagarcía de Arousa, e 16 entidades financeiras e sociedades de garantía recíproca adheridas, asinaron un convenio co obxecto de establecer unha liña de financiamento subsidiada destinada á potenciación do comercio polo miúdo na Comunidade Autónoma de Galicia, someténdose ó establecido no Decreto 172/2001, do 12 de xullo, sobre incentivos para o desenvolvemento económico e fomento da actividade empresarial na Comunidade Autónoma de Galicia, ás normas específicas contidas no citado convenio e ás que posteriormente se poidan dictar para o seu funcionamento operativo.

Polo que antecede, e en virtude das facultades que teño conferidas mediante o artigo 12 a) da Lei 5/1992, do 10 de xuño, de creación do Instituto Galego de Promoción Económica, e do artigo 11.1º a) do Decreto 317/1992, do 12 de novembro, polo que se aproba o regulamento do Igape,

RESOLVO:

Facer público o texto do convenio como anexo I e a relación de entidades financeiras e sociedades de garantía recíproca adheridas que o subscribiron, que figura como anexo II.

Santiago de Compostela, 27 de xaneiro de 2004.

Margarita Rodríguez Rama
Directora xeral do instituto Galego
de Promoción Económica

ANEXO

Convenio de apoio financeiro ó comercio polo miúdo na Comunidade Autónoma de Galicia 2004-2006 subscrito entre o Instituto Galego de Promoción Económica (Igape), a Consellería de Innovación, Industria e Comercio da Xunta de Galicia, a Confederación de Empresarios de Galicia e as cámaras de comercio, industria e navegación da Coruña, Ferrol, Lugo,

Ourense, Pontevedra, Santiago de Compostela, Tui, Vigo e Vilagarcía de Arousa e as entidades financeiras e sociedades de garantía recíproca adheridas.

Este convenio, asinado por:

-José Antonio Orza Fernández, conselleiro de Economía e Facenda, en nome e representación do Instituto Galego de Promoción Económica (en diante Igape), na súa calidade de presidente, representación nata que lle corresponde de acordo coa Lei 5/1992, do 10 de xuño, de creación do Igape.

-Juan Rodríguez Yuste, na súa calidade de conselleiro de Innovación, Industria e Comercio da Xunta de Galicia, en nome e representación da Xunta de Galicia, ó abeiro das facultades que, para vincularse neste acto, ten conferidas polo artigo 34 da Lei 1/1983, da Xunta de Galicia e do seu presidente, e polo Acordo do 27 de marzo de 1991, do Consello da Xunta de Galicia, feito público mediante Resolución do 8 de abril de 1991, da Consellería de Economía e Facenda.

-José María Seijas López, en nome e representación da Confederación de Empresarios de Galicia.

-Francisco Cruz Senra, en nome e representación das cámaras de comercio, industria e navegación galegas.

Enmárcase na política de apoio ás pequenas e medianas empresas emprendida pola Xunta de Galicia ó abeiro do Decreto 172/2001, do 12 de xullo, sobre incentivos para o desenvolvemento económico e fomento da actividade empresarial na Comunidade Autónoma de Galicia.

As institucións representadas neste convenio consideran esencial o obxectivo de moderniza-lo comercio retalista tradicional da Comunidade Autónoma de Galicia para facer fronte á competencia de establecementos de maior dimensión e ás esixencias do consumidor actual, tentando, deste xeito, mellora-la economía deste colectivo empresarial, potenciando tanto os seus establecementos como a súa calidade, eficiencia e imaxe. Para este fin, ponse en marcha un programa de financiamento dos investimentos que realicen os titulares de establecementos comerciais polo miúdo, e a axuda consiste na subsidiación do tipo de xuro dos préstamos que, para o efecto, se concerten coas entidades financeiras asinantes deste convenio.

Os citados préstamos poderán ser subsidiados con suxeición ás seguintes

Cláusulas

Cláusula 1ª.-Obxecto, volume máximo de préstamos subsidiados e dotación orzamentaria.

1.1. Obxecto.

Este convenio ten por obxecto defini-los termos de colaboración entre as partes que o subscriben,

coa finalidade de establecer unha liña de financiamento subsidiado destinada á potenciación do comercio retalista na Comunidade Autónoma de Galicia, e as partes someteranse na totalidade ó establecido no mencionado Decreto 172/2001, do 12 de xullo, sobre incentivos para o desenvolvemento económico e fomento da actividade empresarial na Comunidade Autónoma de Galicia, ás normas específicas contidas neste convenio e ás que posteriormente se poidan dictar para o seu funcionamento operativo.

1.2. Volume máximo de préstamos subsidiables.

O volume de préstamos que se van subsidiar ó abeiro deste convenio para o ano 2004, non poderá superar un importe total de 6 millóns de euros, coa seguinte distribución: 1,25 millóns de euros destínanse a cada unha das catro provincias galegas e o resto a un fondo común de reserva. En caso de que se esgote a dotación inicial atribuída a unha provincia, cubriranse as operacións correspondentes con cargo ó fondo común e, en caso de que se esgotase este, poderán empregarse os fondos atribuídos a outras provincias que non fosen utilizados.

Para os anos 2005 e 2006, o Igape determinará e publicará no *Diario Oficial de Galicia* o importe global de préstamos subsidiables.

1.3. Dotación orzamentaria.

As axudas reguladas neste convenio financiaranse con cargo ós orzamentos do Igape para os anos 2004, 2005 e 2006, e a súa concesión estará supeditada á existencia de crédito orzamentario suficiente. Para o ano 2004, as axudas financiaranse con cargo ás aplicacións orzamentarias 02.01 01/01/02.656700 cun crédito plurianual de 51.974,14 euros para o ano 2004, de 190.571,85 euros para o ano 2005 e de 103.948,29 euros para o ano 2006 e 02.01 01/02/01.656700 cun crédito plurianual de 2.972,07 para o ano 2004, de 10.897,57 euros para o ano 2005 e de 5.944,13 euros para o ano 2006.

Para os anos 2005 e 2006, o Igape publicará no *Diario Oficial de Galicia* o límite de crédito dispoñible para a concesión de axudas e as partidas orzamentarias asignadas ó seu financiamento.

Cláusula 2ª.-Beneficiarios.

Poderán ser beneficiarios das axudas previstas neste convenio os titulares de establecementos comerciais polo miúdo situados na Comunidade Autónoma de Galicia que teñan a consideración de pequenas e medianas empresas (Pemes) conforme a definición adoptada pola Comisión da Unión Europea do 3 de abril de 1996. Para os devanditos efectos, terá a consideración de Peme a unidade económica con personalidade física ou xurídica que reúna os seguintes requisitos:

- a) Que empregue menos de 250 persoas,

b) Que o volume de negocios anual non exceda 40 millóns de euros ou que o balance xeral anual non exceda 27 millóns de euros,

c) E que cumpra o criterio de independencia tal como se define a seguir:

Consideraranse empresas independentes as empresas en que o 25% ou máis do seu capital ou dos seus dereitos de voto non pertencen a outra empresa ou, conxuntamente, a varias empresas que non respondan á definición de Peme. Este límite poderá superarse nos dous casos seguintes:

* Se a empresa pertence a sociedades públicas de participación, sociedades de capital risco ou a investidores institucionais, sempre que estes non exerzan, individual ou conxuntamente, ningún control sobre a empresa;

* Se o capital está distribuído de tal forma que non é posible determinar quen o posúe e se a empresa declara que pode, lexitimamente, presumir que o 25% ou máis do seu capital non pertence a outra empresa ou, conxuntamente, a varias empresas que non respondan á definición de Peme.

Para o cálculo dos límites establecidos nas alíneas a) e b) engadiranse as cifras correspondentes da empresa beneficiaria e de tódalas empresas en que posúa directa ou indirectamente o 25% ou máis do seu capital ou dos dereitos de voto.

Os solicitantes deberán acreditar esta circunstancia segundo o formulario establecido no anexo VI deste convenio.

No caso de que durante a vixencia deste convenio a Unión Europea establecese unha definición de Peme diferente da anterior, será de aplicación para estes efectos a nova definición que se estableza.

Cláusula 3ª.-Actividades subvencionables.

Considéranse subvencionables as actividades económicas relacionadas no anexo I.

As axudas ás actividades reguladas por normas sectoriais específicas da Unión Europea sométense expresamente ós límites e condicións establecidos nestas.

Cláusula 4ª.-Entrada en vigor e prazo de presentación de solicitudes.

Este convenio entrará en vigor o día seguinte ó da súa publicación no *Diario Oficial de Galicia* e o prazo para a presentación de solicitudes de préstamos e subsidiación na entidade financeira será o seguinte:

* Para o ano 2004, desde a data de entrada en vigor ata o 30 de novembro dese ano.

* Para o ano 2005, desde o 1 de xaneiro ata o 30 de novembro dese ano.

* Para o ano 2006, desde o 1 de xaneiro ata o 30 de novembro dese ano.

Cláusula 5ª.-Modalidade e destino das axudas.

A axuda consistirá na subsidiación do tipo de xuro dos préstamos que financien proxectos de investimento realizados, no territorio da Comunidade Autónoma de Galicia, polos titulares de establecementos comerciais retallistas.

Cláusula 6ª.-Condições do programa de axudas.

6.1. Consideraranse subvencionables os investimentos adquiridos a terceiros, que se realicen con posterioridade ó 1 de xaneiro do ano correspondente ó da presentación da solicitude da axuda no Igape, e que se materialicen en:

* Inmobilizado material novo:

-Adquisición de locais comerciais.

-Obras de reforma en xeral.

-Obras de novo establecemento.

-Reformas estruturais.

-Instalacións básicas.

-Revestimentos, pinturas e acabamentos xerais.

-Equipamento.

-Elementos de transporte, exclusivamente vehículos industriais.

-Mobiliario e informática.

-Melloras decorativas.

-Honorarios de proxecto e decoración.

-Calquera outro investimento que contribúa á mellora das estruturas de comercialización ou desenvolvemento das actividades comerciais.

* Inmobilizado inmaterial, co límite do 25% do total do investimento subvencionable do proxecto.

* Bens usados: unicamente a adquisición de inmobles.

6.2. A contía do investimento subvencionable será como mínimo de 4.500 euros e como máximo de 300.000 euros, e determinarase excluindo o IVE e outros tributos do custo de adquisición.

6.3. Os beneficiarios das axudas establecidas neste convenio deberán mante-los investimentos obxecto de financiamento durante un prazo mínimo de 5 anos desde a súa adquisición. Considerarase que se cumpre esta condición no caso de que os bens en que se materialice o investimento sexan substituídos por

outros da mesma natureza e destino, non podendo obter para a súa adquisición ningún tipo de axuda financeira do Igape.

6.4. Para aqueles proxectos que leven consigo creación de emprego, este deberá manterse durante o prazo de dous anos.

Para os efectos da determinación da creación de emprego, teranse en conta os seguintes criterios:

a) Partirase do número de postos de traballo existentes no 31 de decembro do ano anterior ó da presentación da solicitude de axuda no Igape, a partir do cal se computará a creación de emprego.

b) A creación de emprego terase que realizar entre o período que media desde o 1 de xaneiro do ano de presentación da solicitude de axuda no Igape ata 4 meses despois da data de execución do proxecto (data inicial de cómputo). O emprego que se cree deberá manterse durante dous anos desde a data inicial de cómputo. Enténdese por data de execución do proxecto a do último xustificante de pagamento do investimento.

c) Para os efectos deste convenio, computaranse, para a creación de emprego, os traballadores por conta allea e aqueles traballadores por conta propia que sexan os titulares da actividade ou socios ou administradores da empresa titular, independentemente do réxime aplicable da Seguridade Social, de acordo coa lexislación laboral vixente.

Cláusula 7ª.-Características das operacións de préstamo.

7.1. Importe dos préstamos e porcentaxes de financiamento.

O importe do préstamo con dereito a subsidiación non poderá supera-lo 70% do investimento subvencionable. O importe do préstamo subsidiabile será, como mínimo, de 3.150 euros e non poderá, para cada beneficiario, supera-los 210.000 euros.

En ningún caso o importe do préstamo superará o importe do investimento subvencionable pendente de pagamento na data de presentación da solicitude no Igape. Se, a partir desta data, fose necesario efectuar novos pagamentos por importe superior á parte non financiada co préstamo que se vai subsidiar, estes deberán facerse seguindo a operativa establecida na cláusula 8.10.1.

7.2. Prazos de amortización e subsidiación.

O prazo máximo de amortización será, con carácter xeral, de ata 5 anos, incluído, como máximo un ano de carencia, agás para os préstamos que financien, en todo ou en parte, a adquisición de bens inmobles, e neste caso poderán superar, sen ningunha res-

trición, os límites de prazo e carencia establecidos. Non obstante, a subsidiación non superará os cinco primeiros anos e será calculada como se o préstamo fose por cinco anos, incluído un ano, como máximo, de carencia.

Os períodos de amortización sinalados anteriormente comezarán a computarse a partir do primeiro día do trimestre natural inmediato á data de formalización, polo que a vixencia do préstamo poderá ser superior polos días que se engaden no período irregular inicial e que se incluírán no período de carencia.

7.3. Sistema de amortización.

O prestameiro realizará as amortizacións en cotas de amortización de capital trimestrais iguais, con vencemento o último día do trimestre natural, debendo recolle-la póliza ou escritura o número de cotas e as datas en que se producirán a primeira e a derradeira.

O préstamo poderá ser amortizado de forma anticipada, total ou parcialmente, á vontade do prestameiro. As amortizacións anticipadas parciais que, se é o caso, realice voluntariamente o prestameiro deberán aplicarse a reducir en igual contía as cotas de amortización restantes, sen que se produzan variacións no prazo de amortización do préstamo.

A entidade financeira deberá comunicar puntualmente as ditas amortizacións anticipadas indicando á súa data e importe, co obxecto de que o Igape calcule o novo importe da subvención e o importe que o beneficiario reintegrará ó Igape.

7.4. Liquidación de xuros.

A liquidación de xuros, o mesmo que as amortizacións, será por trimestres naturais vencidos, pagarase o último día do trimestre natural, e calcularanse os xuros en función do capital vivo, agás para o período de carencia, en que a cota de xuros se determinará en función do préstamo efectivamente disposto.

Os trimestres serán sempre de 90 días e tódolos meses de 30 días, computándose estes para a liquidación desde a data de disposición, incluída esta.

7.5. Tipo de xuro e subsidiación para o beneficiario das operacións de préstamo.

O tipo de xuro nominal dos préstamos acollidos a este convenio será fixo durante a súa vixencia. Excepcionalmente, para aquelas operacións de préstamo que teñan un prazo de vixencia superior a 5 anos, de acordo co establecido na cláusula 7.2., o tipo de xuro que se aplicará, a partir do sexto ano, será o que libremente pacten as partes.

Para as solicitudes de axuda presentadas no Igape no ano 2004, o tipo de xuro nominal fixo será o 3,80%. E a subsidiación será a diferenza entre o

tipo de xuro menos o 1% para aqueles proxectos con creación de emprego e menos o 2% para o resto de proxectos.

Para as solicitudes de axuda presentadas no Igape nos anos 2005 e 2006, o tipo de xuro nominal fixo será comunicado polo Igape ás entidades financeiras e publicado no *Diario Oficial de Galicia*. E a subsidiación será a diferenza entre o tipo de xuro que fixe menos o 2% para aqueles proxectos que leven consigo a creación de emprego e menos o 3% para o resto de proxectos.

7.6. Comisións.

As entidades financeiras prestamistas poderán percibir, por tódolos conceptos e dunha soa vez, unha comisión máxima dun 1%. A devandita comisión non será subvencionable.

7.7. Intervención das sociedades de garantía recíproca (SGR)

As sociedades de garantía recíproca (SGR) asinantes deste convenio poderán percibir, polos avais prestados ás operacións de préstamo subscritas ó abeiro do convenio, unha comisión máxima anual do 1% sobre os saldos máximos garantidos cada ano. A devandita comisión será subvencionada polo Igape.

7.8. Cálculo da axuda financeira.

A axuda financeira que se conceda, tanto a subsidiación do tipo de xuro como, se é o caso, a subvención da comisión de aval da SGR, pagarase dunha soa vez e para o seu cálculo procederase do seguinte modo:

a) Calcularanse os valores absolutos das subvencións que se van percibir durante o período de vixencia do préstamo, incluído, se é o caso, o período de carencia. Para os efectos deste cálculo non se terá en conta o establecido no último parágrafo da cláusula 7.2.

b) Actualizaranse os valores absolutos obtidos anteriormente, utilizando como taxa de actualización o tipo de xuro legal do diñeiro correspondente ó ano de presentación da solicitude no Igape.

c) O importe resultante da liquidación anticipada destinarase á amortización anticipada do principal do préstamo, non podendo a entidade financeira cobrar comisión ningunha pola devandita amortización.

d) No caso de que o préstamo sexa amortizado, total ou parcialmente, calcularase o novo importe da subvención e o importe que o beneficiario reintegrará ó Igape, que deberá realizar na forma e prazos que se establezan na resolución de reintegro.

Cláusula 8ª.-Tramitación.

8.1. Solicitudes e documentación.

As solicitudes de subsidiación presentaranse nas entidades financeiras, no modelo normalizado distribuído a través destas e publicado no DOG. Para as operacións avaladas por unha SGR, a solicitude de subsidiación poderá presentarse, así mesmo, na SGR.

A solicitude irá acompañada da documentación establecida no anexo II por duplicado exemplar. A documentación deberá entregarse en orixinal ou en copia cotexada cos orixinais pola entidade financeira ou SGR.

As solicitudes presentadas por sociedades civís ou comunidades de bens deberanse tramitar a nome dos titulares que formalizarán o préstamo, seguido da denominación da sociedade civil ou comunidade de bens.

8.2. Coa presentación da instancia de solicitude, as empresas que se acollan ás axudas consideradas neste convenio, apoderan a entidade financeira/SGR para a realización ante o Igape de todos aqueles trámites que así se prevexan neste convenio. A este respecto, o Igape considerará a actuación da entidade financeira/SGR como se fose propia da empresa solicitante.

8.3. O impreso de solicitude constará de cinco exemplares:

-Orixinal e 1ª copia para o Igape.

-2ª copia para a delegación provincial da Consellería de Innovación, Industria e Comercio da provincia en que estea situado o establecemento comercial obxecto do proxecto.

-3ª copia para entidade financeira.

-4ª copia para o solicitante.

A entidade financeira/SGR datará e selará os cinco exemplares do impreso de solicitude, entregándolle ó solicitante a súa correspondente copia. A entidade financeira/SGR deberá centraliza-la recepción das solicitudes, unha vez seladas polas súas distintas sucursais, tendo un prazo de 30 días para resolve-la petición de préstamo ou, se é o caso, a concesión do aval. O prazo para a aceptación de solicitudes na entidade financeira/SGR será o seguinte:

* Para o ano 2004, desde a data de entrada en vigor ata o 30 de novembro dese ano.

* Para o ano 2005, desde o 1 de xaneiro ata o 30 de novembro dese ano.

* Para o ano 2006, desde o 1 de xaneiro ata o 30 de novembro dese ano.

A entidade financeira/SGR remitiralle ó Igape as solicitudes coa documentación anexa, acompañada da comunicación de concesión do préstamo, segundo modelo establecido no anexo III e, se é o caso, do certificado de concesión do aval da SGR. Así mesmo, remitiralle o seu correspondente exemplar da solicitude coa documentación á delegación provincial da Consellería de Innovación, Industria e Comercio correspondente, e ós enderezos sinalados a seguir:

* Delegación Provincial da Consellería de Innovación, Industria e Comercio da Coruña:

Edificio Servicios Múltiples. 1ª Planta. Polígono de Elviña - Monelos. 15008 A Coruña

* Delegación Provincial da Consellería de Innovación, Industria e Comercio de Lugo:

Ronda da Muralla, 70 baixo. 27003 Lugo

* Delegación Provincial da Consellería de Innovación, Industria e Comercio de Ourense:

R/ Curros Enríquez, 1 - 4º. 32003 Ourense

* Delegación Provincial da Consellería de Innovación, Industria e Comercio de Pontevedra:

Concepción Arenal, 8. 36201 Vigo (Pontevedra)

O último día hábil para a presentación das solicitudes pola entidade financeira no Igape será:

-O 30 de decembro de 2004, para as operacións concedidas con cargo ó volume de préstamos subsidiabile para ese ano.

-O 30 de decembro de 2005, para as operacións concedidas con cargo ó volume de préstamos subsidiabile para ese ano.

-O 29 de decembro de 2006, para as operacións concedidas con cargo ó volume de préstamos subsidiabile para ese ano.

As solicitudes presentadas fóra deste prazo, serán obxecto de arquivo, asumindo a entidade financeira/SGR toda a responsabilidade polos prexuízos que iso poida supoñerlle á empresa solicitante.

8.4. Dentro dos dez días seguintes á recepción das solicitudes, o Igape comunicaralles ós solicitantes a data en que as solicitudes foron recibidas no Igape, o prazo máximo establecido para a resolución e notificación do procedemento e os efectos do silencio administrativo.

8.5. Se a solicitude non estivese debidamente cuberta ou non se xuntase a documentación esixida, requiriráselle ó solicitante e á entidade financeira/SGR que, no prazo de 10 días hábiles desde o seguinte ó do requirimento, se emende a falta ou se presenten os documentos preceptivos, con indicación de que, se así non o fixese, se considerará

que desiste da súa petición, logo da resolución declarativa de tal circunstancia. O requirimento á entidade financeira e SGR, se é o caso, realizarase vía fax.

8.6. Informes.

As solicitudes de axuda serán informadas, con carácter previo á súa resolución, por unha comisión cualificadora, integrada por dous representantes do Igape e un representante, para cada provincia, da Consellería de Innovación, Industria e Comercio, da Confederación de Empresarios e das Cámaras de Comercio. A comisión, que funcionará por seccións provinciais, será presidida por un dos representantes do Igape, actuando o outro de secretario, e reunirse, logo da convocatoria do presidente, na sede do instituto. Ás reunións da comisión poderán asistir os técnicos da Área de Financiamento do Igape.

8.7. Trámite de audiencia.

Instruído o procedemento pola Área de Financiamento do Igape e inmediatamente antes de redactar proposta de resolución, porase en coñecemento dos interesados, para que, no prazo de 10 días, poidan alegar e presenta-los documentos e xustificacións pertinentes. Non obstante, poderá prescindirse do trámite de audiencia cando non figuren no procedemento nin se teñan en conta na resolución outros feitos, alegacións ou probas máis que as aducidas polos interesados.

8.8. Concesión.

Á vista do informe da comisión cualificadora, a Dirección da Área de Financiamento e a Dirección Xeral do Igape elevarán proposta de resolución ó presidente do Igape, que incluírá o importe do investimento subvencionable, o importe do préstamo subsidiado, o prazo de vixencia e carencia deste, os puntos de subsidiación propostos e o importe da subsidiación, e se é caso, o emprego que se debe crear e manter, e o importe da comisión anual subvencionada das operacións avaladas por unha SGR. As propostas de denegación de solicitudes deberán detalla-la causa.

As solicitudes de axuda resolveranse por orde de entrada das solicitudes completas no Igape, e ata esgotárense as disponibilidades orzamentarias aprobadas.

8.9. Silencio administrativo e recursos.

O Igape notificaralle ó solicitante e comunicarlle á entidade financeira e á SGR, se é o caso, a concesión ou denegación da subsidiación. As resolucións de concesión deberán ser aceptadas por escrito polo beneficiario no prazo de 15 días hábiles a partir do seguinte ó da súa notificación. No caso contrario, entenderase que o beneficiario renuncia a ela, dicándose resolución neste sentido. A aceptación por parte do interesado suporá a obriga de cumprilas condicións establecidas na resolución, neste con-

venio e demais disposicións aplicables. A aceptación formalizarase na copia da resolución que, para tal efecto, se remitirá xunto coa resolución de concesión e que lle deberá ser devolta ó Igape debidamente cuberta.

Contra a resolución, que esgota a vía administrativa, poderá interpoñerse recurso contencioso-administrativo ante o Tribunal Superior de Xustiza de Galicia no prazo de dous meses desde a súa notificación. Potestativamente, poderá interpoñerse recurso de reposición ante o Consello de Dirección do Igape no prazo dun mes desde a súa notificación.

O prazo máximo para notifica-la resolución do procedemento será de 6 meses desde a data de presentación da solicitude da axuda. O devandito prazo poderá ser suspendido nos supostos establecidos no artigo 42.5º da Lei de réxime xurídico das administracións públicas e do procedemento administrativo común. Transcorrido tal prazo sen que se notifique resolución expresa, poderá entenderse desestimada.

8.10. Formalización.

A entidade financeira e o solicitante deberán formaliza-lo préstamo mediante escritura pública ou póliza intervida por fedatario público, de acordo coas seguintes condicións:

8.10.1. Formalización anticipada.

A partir da entrada en vigor deste convenio e respectando as condicións e requisitos establecidos neste, a entidade financeira, unha vez presentado o expediente de solicitude no Igape, poderá formaliza-los préstamos cos seus clientes. Para iso, deberá remitir escrito, segundo o modelo que se xunta (anexo IV), manifestando a intención de acollerse a esta opción coa finalidade de que, con anterioridade á data de formalización prevista, este instituto analice e cuantifique o investimento subvencionable e o importe do préstamo que se vai subsidiar. O Igape comunicarlle por fax á entidade financeira e, se é o caso, á SGR, a autorización, se procede, para a devandita formalización anticipada. A empresa solicitante requiriralle á entidade financeira copia da autorización do Igape antes de proceder á formalización anticipada do préstamo.

A autorización da formalización do préstamo antes da resolución de concesión non implica o recoñecemento de ningún dereito ou cualificación do expediente respecto da concesión da subsidiación solicitada.

No contrato de préstamo formalizado anticipadamente de acordo co previsto no punto anterior, deberá mencionarse, polo menos, os seguintes extremos: que se presentou solicitude de axuda financeira no Igape, con indicación da data de Rexistro de Entrada neste instituto; que o Igape autorizou a formalización anticipada do préstamo, indicando a data e as condicións establecidas nesta; e que o préstamo quedará

acollido ás axudas establecidas neste convenio nos termos e condicións establecidas na resolución de concesión da axuda que, se é o caso, no seu día se dicte, así como o compromiso de destinalo importe da axuda, no momento en que se reciba, á amortización anticipada do principal do préstamo.

No suposto de que a resolución de concesión da axuda que se dicte, preveña unhas condicións diferentes ás indicadas na autorización de formalización anticipada, deberá incluírse un anexo ó documento de préstamo, intervido por fedatario público, en que se fagan constar as características establecidas na devandita resolución.

8.10.2. Se o préstamo se formaliza con posterioridade á data de notificación da resolución de concesión, a correspondente escritura ou póliza de préstamo deberá recoller a característica de estar acollido ás axudas previstas neste convenio e o compromiso de destinalo importe da axuda, no momento en que se reciba, á amortización anticipada do principal do préstamo.

8.10.3. O prazo máximo para a formalización do préstamo ou, se é o caso, adaptación da póliza ás condicións da resolución-concesión do Igape será de 5 meses, que se contarán desde o día seguinte á data de notificación da concesión ó beneficiario.

Finalizado o devandito prazo sen que se formalice o préstamo, dictarase resolución considerando que o solicitante renunciou e ordenando o arquivo do expediente, salvo que, logo da solicitude razoada de prórroga deste, presentada no Igape dentro do prazo, e acreditando a conformidade da entidade financeira, o Igape autorízase a devandita prórroga.

8.10.4. A entidade financeira remitiralle ó Igape, coa maior brevidade, copia cotexada da póliza ou escritura de préstamo e, se é o caso, do correspondente anexo, antes de presenta-la solicitude de cobramento da subvención.

8.11. Disposición.

Os beneficiarios deberán xustificarlle á entidade financeira a aplicación dos fondos da operación financeira ás finalidades para que foi concedida, de acordo co establecido a seguir:

8.11.1. Período de disposición do préstamo e de realización dos investimentos.

O período de disposición do préstamo e de realización dos investimentos non poderá supera-la data pactada no contrato de préstamo para o aboamento da primeira amortización de principal.

8.11.2. Disposición dos fondos do préstamo.

As disposicións realizaranse a través dunha conta específica en que se reflectirán, única e exclusivamente, os movementos habidos na operación de préstamo.

Para a formalización do préstamo ou, en todo caso, previamente á utilización dos fondos, a entidade financeira requiriralles ós beneficiarios a documentación (facturas, contratos, certificacións de obra, etc.) que acredite a execución do investimento subvencionable para o seu pagamento. A disposición dos fondos irá destinada ós pagamentos pendentes do investimento.

Cláusula 9ª.-Xustificación de cumprimento de condicións e liquidación da subsidiación.

9.1. Xustificación do proxecto.

A xustificación do investimento realizarase a través da certificación de xustificación de investimentos emitida pola entidade financeira. A certificación de xustificación de investimentos, que cubrirá a entidade financeira, axustarase ó modelo establecido no anexo V, debendo conter os datos do importe do investimento subvencionable xustificando e a porcentaxe que representa respecto da totalidade do investimento aprobado; a parte do préstamo disposto utilizada para o pagamento do investimento xustificando e a porcentaxe que representa respecto do préstamo aprobado; así como a data de inicio e finalización da execución do proxecto.

No caso de que na certificación de xustificación de investimentos non se alcance o 100% do investimento subvencionable aprobado na resolución, a entidade financeira deberá xuntar unha solicitude de modificación da resolución de concesión, asinada polo empresario, para adaptala ó proxecto xustificando.

Unha vez realizado e pagado o investimento e no prazo máximo de dous meses, que se contarán desde a data inicial de cómputo, as entidades financeiras remitiranlle ó Igape, acompañada da solicitude de cobramento da subvención, a seguinte documentación:

-Certificación de xustificación de investimentos, acompañada das copias cotexadas dos documentos que xustifiquen a realización do investimento subvencionable e os pagamentos realizados, así como do extracto da conta específica do préstamo.

-Declaración complementaria do conxunto de axudas solicitadas polo beneficiario para o mesmo proxecto, segundo o modelo do anexo VII.

-E para aqueles proxectos que leven consigo a creación e mantemento de emprego: TC1 e TC2 e, se é o caso, recibos de cotización correspondentes á data inicial de cómputo.

O cumprimento da condición de mantemento de emprego durante dous anos que se contarán desde a data inicial de cómputo verificarao o Igape a través das actuacións de control e inspección.

9.2. Liquidación da axuda financeira.

A liquidación da subsidiación e, se é o caso, da comisión de aval da SGR realizarase, por parte da entidade financeira, de acordo co establecido na cláusula 7.8.

Cláusula 10ª.-Pagamento da subsidiación e da comisión de aval.

Os beneficiarios destas axudas, unha vez executado o proxecto e nos prazos establecidos na cláusula anterior, solicitarán, a través da entidade financeira, o cobramento da subvención concedida segundo o modelo que figura como anexo IX. A entidade financeira remitiralle ó Igape a devandita solicitude acompañada da seguinte documentación:

-Documentación acreditativa da realización de proxecto e, se é o caso, da creación e mantemento de emprego de acordo co establecido na cláusula anterior.

-Declaración complementaria do conxunto de axudas solicitadas polo beneficiario para o mesmo proxecto, segundo o modelo do anexo VII.

-Para o caso de resolucións de concesión de axudas condicionadas á presentación de determinada documentación, fotocopia cotexada desta.

-Declaración actualizada de non ter pendentes de pago débedas coa Comunidade Autónoma de Galicia e de estar ó día de obrigas tributarias e coa Seguridade Social, emitidas polos órganos competentes.

O Igape revisará a documentación xustificativa e poderalle solicitar á entidade financeira, á SGR ou ó beneficiario calquera documentación e información adicional que considere oportuna para os efectos dunha correcta análise da xustificación da realización do proxecto.

Unha vez verificada a documentación presentada, o Igape procederá ó pagamento da subsidiación e, se é o caso, da subvención da comisión de aval, dunha soa vez, a través da entidade financeira prestamista. A subvención terá que destinarse á amortización anticipada do principal do préstamo, polo cal, unha vez aplicada, a entidade financeira deberá presentar no Igape, no prazo de 30 días desde a data de pagamento da subvención, certificación acreditativa da amortización do principal do préstamo na contía subvencionada.

Cláusula 11ª.-Prórroga de prazos.

En atención ó disposto polo artigo 49 da Lei 30/1992, de réxime xurídico das administracións públicas e procedemento administrativo común, as prórrogas dos prazos establecidos neste convenio solicitaránselle ó Igape cunha anticipación mínima de 10 días hábiles ó vencemento do prazo que se pretende ampliar, co obxecto de que o instituto poida resolver esta con anterioridade á súa expiración.

Cláusula 12ª.-Modificacións.

12.1. Toda alteración das condicións tidas en conta para a concesión da axuda, e, en todo caso, a obtención concorrente de subvencións ou axudas outorgadas por outras administracións ou entes públicos ou privados, poderá dar lugar á modificación da resolución de concesión.

12.2. O presidente do Igape poderá acordar a modificación da resolución de concesión por instancia do beneficiario, sempre que a modificación do proxecto non desvirtúe a finalidade da axuda, non exista prexuízo de terceiro, e os novos elementos ou circunstancias que motiven a modificación, de concorrer na concesión inicial, non supuxesen a denegación da axuda.

As solicitudes de modificación, acompañadas de memoria xustificativa, presentaráselle ó Igape a través da entidade financeira.

12.3. A resolución de modificación establecerá as novas condicións da concesión e, se é o caso, decretará o reintegro do indebidamente percibido. En ningún caso a resolución de modificación implicará aumentar a contía do préstamo subsidiado inicialmente aprobado.

12.4. O cambio de beneficiario da axuda poderá ser autorizado polo presidente do Igape nos supostos de sucesión de empresa e de transformación da forma xurídica do beneficiario, sempre que se acredite documentalmente a subrogación na totalidade dos dereitos e obrigas derivados do proxecto subvencionado, e especificamente do préstamo subsidiado, así como o cumprimento dos requisitos establecidos no número 12.2.

12.5. O presidente do Igape poderá autorizar, por instancia do beneficiario, a formalización do préstamo con entidade financeira distinta da que tramitou a solicitude. Para tales efectos, solicitarase o cambio a través da nova entidade financeira prestamista, xuntando nova comunicación de concesión de préstamo e declaración xurada da inexistencia de variación na restante documentación do expediente.

Cláusula 13ª.-Perda da subvención.

1. Procederase ó reintegro total ou parcial das cantidades percibidas, xunto cos xuros de mora producidos desde o pagamento, nos seguintes casos:

- a) Incumprimento da obriga de xustificación.
- b) Obter a subvención sen reunir os requisitos requiridos para iso.
- c) Incumprir a finalidade para a cal a subvención foi concedida.
- d) Incumprir as condicións impostas ó beneficiario con motivo da concesión da subvención.

e) Cando o importe da axuda, illadamente ou en concorrencia con outras, supere o custo do proxecto ou o límite de intensidade de axuda establecido pola normativa comunitaria.

2. O alcance do incumprimento determinarase en función do grao e entidade da condición incumprida. A concorrencia de distintas causas de incumprimento dará lugar á súa apreciación conxunta.

Se o incumprimento superase o 50% do investimento subvencionable aprobado, considerarase total, sendo causa de revogación da axuda e de reintegro da totalidade das cantidades percibidas.

As cantidades que se deban reintegrar terán a consideración de ingresos de dereito público, resultando de aplicación para o seu recobramento, se é o caso, a vía de constrinximento.

3. O procedemento para declara-lo incumprimento e reintegro de cantidades axustarase ó disposto no artigo 20 do Decreto 287/2000, de desenvolvemento do réxime de axudas e subvencións públicas da Comunidade Autónoma de Galicia.

4. Sen prexuízo do establecido nos puntos anteriores, os beneficiarios e entidades financeiras e SGR colaboradoras sométense ó réxime de infraccións e sancións establecido no artigo 79 da Lei de réxime financeiro e orzamentario de Galicia, desenvolvido no capítulo VII do Decreto 287/2000, do 21 de novembro.

Cláusula 14ª.-Compatibilidade.

Non poderán acollerse ás axudas establecidas neste convenio aquelas empresas que promovan proxectos que se vaian financiar, en todo ou en parte, mediante créditos, préstamos ou contratos de leasing que teñan calquera tipo de subvención encamiñada a mellora-las condicións financeiras respecto ás normas de mercado. Así mesmo, serán incompatibles con calquera outra axuda para a mesma finalidade das reguladas polo Igape.

A concesión das axudas deste convenio queda supeditada ó cumprimento da normativa vixente e, en especial, á da Unión Europea. Nos devanditos termos, serán compatibles con calquera outra axuda pública ou privada, salvo as referidas no parágrafo anterior, pero en ningún caso, illadamente ou en concorrencia con outras, poderán supera-los límites máximos de intensidade de axuda establecidos pola Unión Europea.

Para o cálculo da intensidade da axuda de subvención ó tipo de xuro procederase do seguinte xeito:

-Calcularanse en euros correntes os valores absolutos das subvencións que se vaian percibir.

-Actualizaranse, ó ano da concesión das axudas, os valores absolutos obtidos anteriormente, utilizando como taxa de actualización o tipo de xuro legal do diñeiro.

Cláusula 15ª.-Control.

Os beneficiarios quedan obrigados a someterse ás actuacións de control que efectúe o Igape para verifica-la aplicación das axudas ás finalidades aprobadas e o cumprimento dos requisitos e condicións establecidos, así como ás de control financeiro que lle corresponden á Intervención Xeral da Comunidade Autónoma, e ás previstas na lexislación do Tribunal de Contas e do Consello de Contas, debendo facilitar toda a información requirida polos citados organismos.

Cláusula 16ª.-Obrigas das entidades financeiras.

1. As entidades financeiras adheridas comprométese a:

a) Concede-los préstamos nos termos e condicións establecidos neste convenio.

b) Colaborar na tramitación dos expedientes de axuda, cumprindo os prazos e demais formalidades establecidas neste convenio.

c) Manter ó dispor do Igape a documentación relativa á personalidade xurídica das sociedades (escritura de constitución e estatutos) e á capacidade do asinante da solicitude (poder de representación).

d) Acatar e cumprir cantas normas de carácter operativo dicte o Igape para a mellor administración e control das operacións incluídas neste convenio.

e) Remitirle ó Igape as aclaracións que solicite respecto da documentación relativa á xustificación, liquidación e aboamento das subsidiacións, así como someterse ás actuacións de comprobación que, respecto da xestión dos fondos, poida efectua-lo Igape ou calquera dos organismos referidos na cláusula 15.

f) Para os efectos do seguimento e control da execución do convenio, a entidade financeira remitiralle por escrito ó Igape, antes do día 5 de outubro de cada ano e referida ó último día hábil do mes de setembro, unha relación de peticionarios que lles solicitasen préstamos, indicando nome, razón social, importe e trámite en que se atopa o expediente. Unha relación similar deberá enviarse ó Igape antes do 5 de decembro de cada ano referida ó 30 de novembro.

2. As entidades financeiras adheridas comprométese, así mesmo, a responder subsidiariamente co beneficiario do reintegro das axudas indebidamente percibidas por este cando, por negligencia grave ou dolo da entidade financeira, se permitise dispoñer indebidamente dos fondos da conta restrinxida do préstamo para finalidades distintas ás aprobadas e iso dese lugar a resolución administrativa firme declarativa da obriga de reintegro de cantidades indebidamente percibidas.

Non se considerarán, no suposto anterior, os simples erros materiais ou aritméticos en que non interveña negligencia grave nin dolo.

Cláusula 17ª.-Obrigas das SGR.

As sociedades de garantía recíproca adheridas comprométense a:

a) Colaborar na tramitación dos expedientes de axuda, cumprindo os prazos e demais formalidades establecidas neste convenio.

b) Manter ó dispor do Igape a documentación relativa á personalidade xurídica das sociedades (escritura de constitución e estatutos) e a capacidade do asinante da solicitude (poder de representación).

c) Acatar e cumprir cantas normas de carácter operativo dicte o Igape para a mellor administración e control das operacións incluídas neste convenio.

d) Remitirlle ó Igape as aclaracións que solicite respecto da documentación relativa ás operacións avaladas.

e) Remitirlle ó Igape, nos prazos establecidos na cláusula anterior, unha relación de peticionarios que lles solicitasen aval, indicando nome, razón social, importe, entidade financeira prestamista e trámite en que se atopa o expediente.

Cláusula 18ª.-Compromiso da Consellería de Innovación, Industria e Comercio, das cámaras de comercio e da Confederación de Empresarios de Galicia.

A Consellería de Innovación, Industria e Comercio da Xunta de Galicia, a través das súas delegacións provinciais, as cámaras de comercio galegas e a Confederación de Empresarios de Galicia comprométense a fornecer-las medios necesarios para difundir este convenio e proporcionar-lles apoio técnico ós comerciantes na súa execución.

Así mesmo, a Consellería de Innovación, Industria e Comercio da Xunta de Galicia, a través das súas delegacións provinciais, comprométese a prestarlle ó Igape a asistencia técnica que poida precisar para a realización dos labores de control e inspección establecidos na cláusula 15ª.

Cláusula 19ª.-Denuncia do contrato.

Será causa suficiente para a resolución deste convenio o incumprimento por unha das partes de calquera das súas cláusulas, logo da denuncia das restantes cun mínimo de 30 días de aviso previo.

A resolución suporá, en todo caso, deixar atendidas fronte ós beneficiarios as obrigas xa legalmente contraídas polas partes.

Cláusula 20ª.-Adhesión de entidades financeiras e sociedades de garantía recíproca ó convenio.

1. O Igape invitará a adherirse a este convenio a todas aquelas entidades financeiras e sociedades de garantía recíproca que, tendo acreditada unha

presencia significativa en Galicia, así como a súa solvencia técnica e financeira, colaborasen co instituto nos seus programas de subsidiación do tipo de xuro de préstamos, créditos ou operacións de arrendamento financeiro.

2. Así mesmo, poderán instar a súa adhesión a este convenio todas aquelas entidades financeiras e sociedades de garantía recíproca acreditadas polo *Banco de España* que, demostrando unha implantación significativa en Galicia, dispoñan dos medios técnicos adecuados para asegurala correcta tramitación dos expedientes conforme o establecido neste convenio e nos seus anexos.

3. A adhesión formalizarase mediante a sinatura, por apoderado con facultades bastantes, da declaración que se xunta como anexo X a este convenio. O Igape daralles conta ó resto das entidades adheridas da existencia de cada novo partícipe no convenio.

Cláusula 21ª.-Seguimento do convenio.

O seguimento do convenio realizarase a través dunha comisión de vixilancia e seguimento, integrada polas entidades financeiras, as SGR e representantes do Igape, da Consellería de Innovación, Industria e Comercio da Xunta de Galicia, das cámaras de comercio galegas e da Confederación de Empresarios de Galicia. A comisión terá reunións con periodicidade trimestral ou ben convocando separadamente cada unha delas.

O Igape fará públicos os resultados do convenio de forma periódica.

Cláusula 22ª.-Publicidade.

As entidades financeiras e SGR adheridas comprométense a mostrar, nas súas distintas sucursais, a publicidade facilitada polo Igape e a colaborar na correcta difusión desta liña de axudas.

Co obxecto de lograr maior coordinación, os proxectos e campañas publicitarias que, se é o caso, realicen as entidades financeiras/SGR sobre este convenio, deberán contar coa autorización previa do Igape.

Cláusula 23ª.-Natureza.

Este convenio ten natureza administrativa correspondéndolle á comisión de vixilancia e seguimento establecida na cláusula 21ª a interpretación do seu contido e a resolución das controversias xurdidas na súa aplicación.

Santiago de Compostela, 26 de xaneiro de 2004.

Polo Instituto Galego de Promoción Económica

Asdo.: José Antonio Orza Fernández

Pola Confederación de Empresarios de Galicia
Asdo.: José María Seijas López

Pola Consellería de Innovación, Industria e Comercio

Asdo.: Juan Rodríguez Yuste

Polas cámaras de comercio galegas
Asdo.: Francisco Cruz Senra

ANEXO II

DOCUMENTACIÓN QUE DEBE PRESENTA-LA ENTIDADE FINANCEIRA

1	<input type="checkbox"/>	Instancia da solicitude asinada e debidamente cuberta, segundo o modelo establecido no anexo VIII
2	<input type="checkbox"/>	Comunicación da concesión do préstamo, segundo o modelo establecido no anexo III
3	<input type="checkbox"/>	En caso de operacións avaladas, comunicación da concesión do aval da SGR <input type="checkbox"/> Si <input type="checkbox"/> Non
4	<input type="checkbox"/>	Se é o caso, formalización anticipada, segundo o modelo establecido no anexo IV: <input type="checkbox"/> Si <input type="checkbox"/> Non

DOCUMENTACIÓN QUE DEBE PRESENTA-LA EMPRESA

A documentación deberase presentar en orixinal ou copia cotexada pola entidade financeira ou SGR

1		Documentación acreditativa das circunstancias persoais do solicitante.
1.1	<input type="checkbox"/>	Persoas físicas: DNI / NIF
1.2	<input type="checkbox"/>	Persoas xurídicas: CIF e DNI/ NIF do asinante da solicitude (*)
2	<input type="checkbox"/>	Certificación da condición de peme segundo o modelo establecido no anexo VI
3	<input type="checkbox"/>	Último recibo pagado polo imposto de actividades económicas ou declaración censual (modelo 036). No caso de empresas de nova creación declaración responsable que inclúa o compromiso de presenta-la declaración censual (modelo 036) indicando o epígrafe da actividade principal da empresa vinculada ó proxecto de investimento, así como de remitir-lo documento de alta no prazo máximo de 4 meses desde a "data inicial de cómputo" establecida na cláusula 6.4.
4	<input type="checkbox"/>	Declaración expresa doutras axudas solicitadas para o mesmo proxecto, cumprimento coas obrigas fiscais e coa Seguridade Social, e de non ter contraída ningunha débeda, por ningún concepto, coa Xunta de Galicia, segundo o modelo que figura no anexo VII

(*)A escritura de constitución, os estatutos da sociedade, así como o poder de representación do asinante da solicitude poranse ó dispor da entidade financeira, tendo o ligape, en todo momento, acceso ós devanditos documentos.

ANEXO I

ACTIVIDADES SUBVENCIÓNABLES

CONSELLERÍA DE INNOVACIÓN, INDUSTRIA E COMERCIO - DIRECCIÓN XERAL DE COMERCIO E CONSUMO		OBSERVACIÓNS
C.N.A.E.	ACTIVIDADE	
50.302	Comercio polo miúdo de repostos e accesorios de vehículos de motor	
52.11	Comercio polo miúdo, con predomnio de alimentos, bebidas e tabaco en establecementos non especializados.	
52.12	Comercio polo miúdo doutros produtos en establecementos non especializados.	
52.21	Comercio polo miúdo de froitas e verduras.	
52.22	Comercio polo miúdo de carne e produtos cárnicos.	
52.23	Comercio polo miúdo de peixes e mariscos.	
52.24	Comercio polo miúdo de pan e produtos de panadería, confitearía e pastelería.	
52.25	Comercio polo miúdo de bebidas.	
52.27	Outro comercio polo miúdo en establecementos especializados en alimentación.	
52.32	Comercio polo miúdo de artigos médicos e ortopédicos.	
52.33	Comercio polo miúdo de cosméticos e artigos de toucador.	
52.41	Comercio polo miúdo de téxtiles.	
52.42	Comercio polo miúdo de pezas de vestir.	
52.43	Comercio polo miúdo de calzado e artigos de coiro.	
52.44	Comercio polo miúdo de mobles; aparellos de iluminación e outros artigos para o fogar.	
52.45	Comercio polo miúdo de electrodomésticos, aparellos de radio, televisión e son.	
52.46	Comercio polo miúdo de ferraxería, pinturas e vidro.	
52.47	Comercio polo miúdo de libros, xornais e papelería.	
52.48	Outro comercio polo miúdo en establecementos especializados.	Agás o 52.486 e 52.487

ANEXO III

Modelo de comunicación de concesión de préstamo

Instituto Galego de Promoción Económica (Igabe)
 Referencia: convenio comercio polo miludo 2004-2006
 Complexo Administrativo San Lázaro
 15703 Santiago de Compostela

Estimados señores:
 Estudada a solicitude de préstamo presentada nesta entidade financeira acollida os beneficios regulados polo convenio de colaboración arriba referenciado, comunicámoslle que foi concedido o préstamo coas características que a seguir se detallan:

Beneficiario:
 Nº expediente:
 Data de solicitude na entidade financeira:
 Oficina:
 Importe:
 Prazo de vivenda:
 Período de carencia:
 Tipo de xuro fixo
 Liquidación de xuros: trimestres naturais vencidos
 Amortización: trimestral, en cotas de amortización de capital constantes.
 Garantías:

Achegamos orxinal e 1ª copia do impreso de solicitude e a documentación completa esixida para o efecto. Así mesmo, comunicamos que, con esta mesma data, remitímonos 2ª copia da solicitude e unha copia da documentación esixida a Delegación provincial da Consellería de Innovación, Industria e Comercio de

Data e sinatura,

ANEXO IV

Modelo de solicitude de formalización previa á resolución

En relación á solicitude de axuda financeira formulada pola empresa, Nº expl.

- ou
- presentada no Igabe con data de, rexistro de entrada nº
- que se presenta con data de hoxe.

de acordo co estipulado na cláusula 8.10.1. do convenio de apoio ó COMERCIO POLO MILUDO 2004-2006, comunicábase a intención de formalizala devandita operación previamente á resolución de concesión de subvención por parte dese instituto e respectando, en todo caso, as condicións e requisitos establecidos no convenio, tanto a hora da formalización, como na posterior disposición do préstamo e xustificación dos investimentos.

Así mesmo, comunicábase que, de acordo co establecido na mencionada cláusula, a operación non se formalizará en tanto non se reciba a preceptiva autorización do Igabe.

Data, sinatura e selo da entidade financeira.

Instituto Galego de Promoción Económica

ANEXO V

Certificación de xustificación de investimentos

D/Dª
 en calidade de
 da entidade financeira
 de conformidade coa cláusula 9.1. do convenio do comercio polo miludo 2004-2006 e en relación co expediente de subvención número
 da empresa

CERTIFICA:

- Que conforme a documentación xustificativa achegada a esta entidade financeira -da que se xunta copia coexada- a empresa citada acreditou a realización e pagamento de investimentos subvencionables polo importe de € (..... % sobre o total do investimento aprobado), sendo o importe do préstamo utilizado para o pagamento de € (..... % sobre o total do préstamo aprobado).
- Que a data do primeiro xustificante de pagamento do investimento é ____/____/____ e que a data do derradeiro xustificante de pagamento do investimento que se certifica é ____/____/____.

O presente certificado emítese para os efectos de presentación ante o Igabe.

..... de de 200..

Asdo.:

Instituto Galego de Promoción Económica

Documentación específica do proxecto de investimento:

- 1 Memoria descriptiva do investimento proxectado, datado e asinado polo solicitante, que deberá conter:
 - 1.1 Indicación expresa de que se trata de investimentos adquiridos a terceiros
 - 1.2 Indicación expresa de que se trata de investimentos realizados ou que se van realizar a partir do 1 de xaneiro do ano correspondente ó da presentación da solicitude de axuda no Igabe, indicando as datas de comezo e de remate previstas do proxecto
 - 1.3 Localización dos investimentos
 - 1.4 Orzamento detallado e valorado (excluído o IVE), partida a partida, dos investimentos en inmovilizado material novo, bens usados e en inmovilizado inmaterial, na orde establecida no impreso de solicitude e estado actual dos pagamentos, de acordo co seguinte esquema:

CONCEPTOS DE INVESTIMENTO	TIPO DE BEN		IMPORTE PAGADO (IVE EXCLUIDO)	IMPORTE PENDENTE DE PAGAMENTO (IVE EXCLUIDO)	TOTAL (IVE EXCLUIDO)
	NOVO	USADO			
	<input type="checkbox"/>	<input type="checkbox"/>			
	<input type="checkbox"/>	<input type="checkbox"/>			
	<input type="checkbox"/>	<input type="checkbox"/>			
	<input type="checkbox"/>	<input type="checkbox"/>			
	<input type="checkbox"/>	<input type="checkbox"/>			
TOTAIS					

- 1.5 No caso de que non se efectuassen pagamentos, indicación expresa de que o investimento está pendente de pagamento na súa totalidade
- 1.6 Data e sinatura da memoria por parte do solicitante, debendo quedar unha copia desta no expediente da entidade colaboradora
- 2 Para proxectos con creación de emprego, documentación relativa á creación e mantemento do emprego:
 - 2.1 Certificado da Tesouraría Xeral da Seguridade Social de afiliados adscritos ás contas de cotización da empresa por tipos de contrato, e de todos os centros de traballo da empresa, no 31 de decembro do ano anterior ó da presentación de axuda no Igabe e, se é o caso, recibos de cotización correspondentes ó réxime especial de autónomos pagados nese mesmo mes
 - 2.2 Declaración xurada do número de traballadores existentes no 31 de decembro do ano anterior ó da presentación da solicitude de axuda no Igabe, distinguindo fixos e temporais, e dos postos de traballo que se van crear, de acordo co seguinte esquema:

RÉXIME DE TRABALLADORES A SEGURIDADE SOCIAL	NÚMERO DE TRABALLADORES			
	A data 31/12/200..		Postos que se van crear	
	Fixos	Temporais	Fixos	Temporais
Xeral				
Especial de traballadores autónomos				
Outros				
TOTAL TRABALLADORES				

- 2.3 Compromiso de mante-lo emprego efectivo comprometido durante o prazo de dous anos desde a "data inicial de cómputo" establecida na cláusula 6.4. do convenio.

ANEXO VI

CERTIFICACIÓN DA CONDICIÓ DE PEME

D.Dª _____ en calidade de _____, en nome e representación da empresa _____, con NIF/CIF nº _____ e domicilio, para os efectos de notificación, en _____, CERTIFICO,

- a) Que a empresa a que represento foi constituída (no caso de sociedades mercantís) / inicia a súa actividade empresarial (no caso de empresarios individuais) con data _____, e (só no caso de sociedades mercantís) inscrita no Rexistro Mercantil de _____, folia _____, folio _____, sección _____, libro _____.
- b) Que na data de peche do último exercicio:
 - O número de traballadores no cadro de persoal era de _____ empregados.
 - O volume de negocios foi de _____ €
 - O importe do balance xeral anual, activo total, foi de _____ €

c) (Só no caso de sociedades mercantís) Que o órgano de administración da sociedade está composto polas persoas e co cargo que se relacionan a seguir:

Nome	Cargo ou representación

d) (Só no caso de sociedades mercantís) Que o detalle de accionistas con participación na empresa igual ou superior ó 25% é o que se relaciona a seguir:

Nome ou razón social	% de participación

Ou, alternativamente, no caso de que non existan accionistas con participación superior ó 25%:

d) Que non existen accionistas con participación en contía igual ou superior ó 25%.

e) (Só no caso de sociedades mercantís) Que o detalle de participacións da empresa noutras sociedades en contía igual ou superior ó 25% é o que se relaciona a seguir:

Nome ou razón social	% de participación

Ou, alternativamente, no caso de que a empresa non teña participacións iguais ou superiores ó 25% noutras empresas:

e) Que a sociedade non mantén participacións en contía igual ou superior ó 25% noutras empresas
En _____, o _____ de _____ de 200_____

O (o que proceda segundo o cargo ou Vº e Pº
representación) O presidente (se é o caso)

Asdo.: _____ Asdo.: _____

Nota: As sociedades que participan e/ou participadas pola solicitante en porcentaxe igual ou superior ó 25%, deberán emitir certificado axustado a este modelo sobre as letras b), d) e e).

ANEXO VII

DECLARACIÓN EXPRESA DOUTRAS AXUDAS, CUMPRIMENTO DAS OBRIGAS FISCAIS, DE ESTAR Ó DÍA NAS OBRIGAS COA SEGURIDADE SOCIAL E COA COMUNIDADE AUTONOMA GALEGA

D./Dª _____ con DNI nº _____ en nome e representación da entidade _____ con NIF/CIF nº _____

DECLARA BAIXO A SÚA RESPONSABILIDADE:

Que, para a actuación denominada "axudas financeiras ó convenio comercio polo miúdo 2004-2006" a devandita entidade solicitou e/ou obtivo as axudas que se relacionan a seguir:

	Organismo e ano	Importe	Disposición reguladora
Axudas concedidas			
Axudas solicitadas			

Así mesmo, a entidade comprométese a comunicar inmediatamente cantas axudas solicite ou obtenga para a mesma actuación doutras administracións públicas ou doutros entes públicos ou privados, nacionais ou internacionais, a partir da data desta declaración.

Por outra parte,

DECLARA EXPRESAMENTE

que a entidade indicada:

- Se atopa ó día nas súas obrigas fiscais.
- Se atopa ó día nas súas obrigas no pagamento das cotas da Seguridade Social
- Non ten contraída ningunha débeda coa Comunidade Autónoma galega.

E para que así conste ante o Instituto Galego de Promoción Económica, asina esta declaración no lugar e data abaixo indicados.

En _____, o _____ de _____ de _____

(Sinatura e selo da entidade)

ANEXO VIII



XUNTA DE GALICIA
CONSELLERÍA DE ECONOMÍA
E FACENDA



XUNTA DE GALICIA
CONSELLERÍA DE INNOVACIÓN,
INDUSTRIA E COMERCIO



PROCEDEMENTO CONVENIO COMERCIO RETALLISTA 2004 - 2006 PROGRAMA DE INVESTIMENTOS	CÓDIGO DO PROCEDEMENTO EC 506A	DOCUMENTO SOLICITUDE
---	--	--------------------------------

IDENTIFICATIVO PRÉSTAMO			
Cod. Prog.	Cod. E. F.	Cod. Suc.	Nº préstamo
C1 / 200			

I. DATOS DO SOLICITANTE

NOME OU RAZÓN SOCIAL		DATA DE CONSTITUCIÓN (NO CASO DE EMPRESARIOS INDIVIDUAIS, DATA INICIO DA ACTIVIDADE EMPRESARIAL)	
NIF / CIF	ENDEREZO		
CÓDIGO POSTAL	CONCELLO	PROVINCIA	TELÉFONO FAX
REPRESENTANTE LEGAL			
ACTIVIDADE ACTUAL	CNAE	EPIGRAFE/S IAE	

II. ENDEREZO PARA EFECTOS DE NOTIFICACIÓN

ENDEREZO			
CÓDIGO POSTAL	CONCELLO	PROVINCIA	TELÉFONO FAX

III. DEFINICIÓN DO PROXECTO

DESCRICIÓN DA ACTIVIDADE VINCULADA ÓS INVESTIMENTOS QUE SE VAN REALIZAR (NO CASO DE MÁIS DUNHA, SIGNALA-LA PRINCIPAL).	CNAE	EPIGRAFE IAE
LOCALIZACIÓN DOS NOVAS INVESTIMENTOS (ENDEREZO, CONCELLO E PROVINCIA)		
OBJECTO DO INVESTIMENTO: (BREVE DESCRICIÓN DOS OBXECTIVOS, BENS OU SERVICIOS QUE SE VAN PRODUCIR, INCIDENCIA COMERCIAL E ECONÓMICA NA EMPRESA, ETC.)		

IV. PLAN DE INVESTIMENTOS

	IMPORTE
1. VOLUME GLOBAL DO INVESTIMENTO (EXCLUÍDO O IVE E OUTROS TRIBUTOS DO CUSTO DE ADQUISICIÓN) ..	<input type="text"/>
2. MATERIALIZACIÓN DO INVESTIMENTO:	
2.1. INMOBILIZADO MATERIAL NOVO:	<input type="text"/>
A) CONSTRUCCIÓN OU REFORMAS:	
DESCRICIÓN:	
B) MOBILIARIO E INFORMÁTICA:	
DESCRICIÓN:	

IV. PLAN DE INVESTIMENTOS (Continuación)

	IMPORTE
C) EQUIPAMENTO:
DESCRICIÓN:
D) MELLORAS DECORATIVAS:
DESCRICIÓN:
E) OUTROS:
DESCRICIÓN:
2.2 BENS USADOS:	<input type="text"/>
A) INMOBLES:
DESCRICIÓN:
2.3 INMOBILIZADO INMATERIAL:	<input type="text"/>
A) APLICACIÓN INFORMÁTICAS:
DESCRICIÓN:
B) OUTROS:
DESCRICIÓN:
2.4 HONORARIOS DE PROXECTO E DECORACIÓN:	<input type="text"/>

V. PLAN DE FINANCIAMENTO DO INVESTIMENTO

FINANCIAMENTO DO INVESTIMENTO:		IMPORTE	%
1	RECURSOS PROPIOS
2	PRÉSTAMO SUBSIDIADO
3	OUTROS
TOTAL		<input type="text"/>	

Quen subscribe coñece e acepta as condicións xerais destas axudas financeiras reguladas polo convenio para a potenciación do comercio retalista 2004-2006 e DECLARA BAIXO A SÚA RESPONSABILIDADE que tódolos datos que figuran na presente solicitude son certos, e acepta que son necesarios para a tramitación do expediente de referencia, e que a consecuencia da falsidade dalgún deles poderá dar lugar ás responsabilidades esixibles legalmente. Así mesmo, comprométese a destinalo importe do préstamo para o que solicita a subsidiación de xuros á finalidade prevista. Igualmente, o solicitante DECLARA formalmente non estar suxeito a ningunha sanción que o inhabilite para a obtención de axudas públicas.

O abaixo asinante ACEPTA que os datos que facilite serán empregados exclusivamente polo IGAPE e cedidos ás entidades colaboradoras que se detallan no anexo a este convenio, para a xestión e tramitación do seu expediente, así como para o envío periódico de información sobre axudas e actividades de interese para o interesado.

Do mesmo xeito coñece e ACEPTA que estes datos sexan incorporados a un ficheiro automatizado debidamente inscrito na Axencia Estatal de Protección de datos co número 1943280521. Poderanse exercer los dereitos de acceso, cancelación ou rectificación e oposición, poñéndose en contacto mediante carta dirixida á sede central do Instituto en Santiago de Compostela, Complexo Administrativo de San Lázaro s/n, CP 15703, A Coruña.

A empresa solicitante apodera a entidade financeira para a presentación e tramitación ante o IGAPE desta solicitude, conforme o sinalado no convenio de convocatoria.

..... de de 200_

O/A SOLICITANTE

Data e selo da entidade financeira ante a que presenta a solicitude.

ANEXO IX

CONVENIO DE APOIO FINANCEIRO Ó COMERCIO POLO MIÚDO 2004-2006
SOLICITUDE DE COBRAMENTO DE SUBSIDIACIÓN/COMISIÓN AVAL S.G.R.

Nº EXPTE.	BENEFICIARIO	NIF/CIF

D./Da. _____, DNI: _____
(Apelidos, nome e cargo na empresa beneficiaria)

Actuando en nome e representación da entidade titular do expediente arriba referenciado.

EXPÓN:

QUE PARA A TRAMITACIÓN DA PRESENTE LIQUIDACIÓN DE SUBSIDIACIÓN, E DE ACORDO CO DISPOSTO NA CLÁUSULA 10ª DO CONVENIO DE APOIO FINANCEIRO Ó COMERCIO POLO MIÚDO 2004-2006, PRESENTÁSE A SEGUINTE DOCUMENTACIÓN:

- Documentación acreditativa da realización de proxecto establecida na cláusula 9ª.
- Declaración complementaria do conxunto de axudas solicitadas polo beneficiario para o mesmo proxecto, segundo o modelo do anexo VII.
- Para aqueles proxectos que leven creación de emprego: TC1 e TC2 e, se é o caso, recibos de cotización correspondentes á "data inicial de cómputo".
- Para o caso de resolucións de concesión de axudas condicionadas á remisión de determinada documentación, fotocopia cotexada dela.
- Declaración actualizada de non ter pendentes de pagamento débedas coa Comunidade Autónoma de Galicia e de estar ó día de obrigas tributarias e coa Seguridade Social.

SOLICITA:

Que se liquide á empresa titular do expediente, a través da entidade financeira prestamista, a subsidiación correspondente, de acordo co establecido na cláusula 7.8.

En _____, o ___ de _____ de _____

POLA EMPRESA BENEFICIARIA

POLA ENTIDADE FINANCEIRA

Asdo.: _____

Asdo.: _____

ANEXO X

DOCUMENTO DE ADHESIÓN Ó CONVENIO DE APOIO FINANCEIRO Ó COMERCIO POLO MIÚDO NA COMUNIDADE AUTÓNOMA DE GALICIA 2004-2006 SUBSCRITO ENTRE O INSTITUTO GALEGO DE PROMOCIÓN ECONÓMICA (IGAPE), A CONSELLERÍA DE INNOVACIÓN, INDUSTRIA E COMERCIO DA XUNTA DE GALICIA, A CONFEDERACIÓN DE EMPRESARIOS DE GALICIA E AS CÁMARAS DE COMERCIO, INDUSTRIA E NAVEGACIÓN DA CORUÑA, FERROL, LUGO, OURENSE, PONTEVEDRA, SANTIAGO DE COMPOSTELA, TUI, VIGO E VILAGARCÍA DE AROUSA E AS ENTIDADES FINANCEIRAS E SOCIEDADES DE GARANTÍA RECÍPROCA ADHERIDAS.

D/Dª. _____, con DNI _____, en nome e representación da entidade _____, facultado para este acto segundo _____, copia do cal se xunta a este escrito, declarando expresamente a súa vixencia.

Declara:

1.- Coñece-los termos e condicións do convenio de apoio financeiro ó comercio polo miúdo na Comunidade Autónoma de Galicia 2004-2006 subscrito entre o Instituto Galego de Promoción Económica (Igappe), a Consellería de Innovación, Industria e Comercio da Xunta de Galicia, a Confederación de Empresarios de Galicia e as cámaras de comercio, industria e navegación da Coruña, Ferrol, Lugo, Ourense, Pontevedra, Santiago de Compostela, Tui, Vigo e Vilagarcía de Arousa e as entidades financeiras e sociedades de garantía recíproca adheridas, así como as súas normas de procedemento interno.

2.- Que ten interese en participar no dito convenio e, polo tanto, se adhíre ós termos e condicións referidos no punto 1.

En (lugar e data).

Presidente do Igappe

*ANEXO XI*Relación de entidades financeiras e sociedades
de garantía recíproca adheridas

Entidades financeiras	S.G.R.
<i>Banco de Galicia</i>	<i>Sogarpo, S.G.R.</i>
<i>Banco Pastor</i>	<i>Afigal, S.G.R.</i>
<i>Banco Gallego</i>	
<i>Banesto</i>	
<i>Banco Bilbao Vizcaya Argentaria</i>	
<i>Banco Santander Central Hispano</i>	
<i>Banco Popular</i>	
<i>Banco Echeverría</i>	
<i>Banco de Sabadell</i>	
<i>Banco Simeón</i>	
<i>Caixa Galicia</i>	
<i>Caixanova</i>	
<i>Caixa Rural Galega</i>	
<i>Caja de Ahorros y Pensiones de Barcelona La Caixa</i>	